



28.10.2021

UKA2021/144

Inatsisartut aaliangiiffigisassaattut siunnersuut Naalakkersuisut peqquneqassasut misissueqqullugit, naartunermut suut peqqutaasarnersut tassani soq ilaasa naartuersinnissartik toqqartarneraat allallu naartuinnarnissartik toqqartarneraat, tassanilu aamma naartunermi- aamma naartuersinnermi angutaasoq qanoq peqataatinneqartarnersoq. Misissuinerup inerneru kingusinnerpaamik 1. juli 2022 tamanut saqqummiunneqassapput.

(Inatsisartunut ilaasortaq Anna Wangenheim, Demokraatit)

Qulequttamut taaneqareersumut Inatsisartunut ilaasortap Anna Wangenheimip siunnersuutaanut Siumumit imatut oqaaseqassaagut.

Siunnersuut maani ataatsimiititalianilu susassaqtartuni annerusumik minnerusumilluunniit siullermeertumik oqaluuserineqalerunangilaq.

Oqaluuserisaq oqittuunngilaq. Taamaammatt siunnersuuteqartup oqarneratuut, oqaluuserisariaqaripput Siumumit isumaqarpugut.

Qularnanngilaq naartuersittariaqalerneru pissutaasut assigiingitsorujussuusimassapput. Tassunga killinnermi peqqinnissaqarfimmit oqaloqatigineqaaqqissaarnerit pisarsimasut eqqarsaatigalugit pissutaasartut ilisimaqqissaarneqarsimassapput.

Naalakkersuisut akissuteqarnerminni ilanngullugu oqaatigaat suliniutit arlaqtartut ingerlareersut ingerlateqqinneqarnissaat kissaatigalugulu pisariaqtartut isigigaat. Pisariaqavippormi.

Qujanaqaarlu oqaatigineqarmat meeqqat atuarfianni ilinniartitsissutit nutaat inerisarnissaannik siunertaqtartumik suliaqartoqalersimammatt. Taamatuttaarlu massakut ukiorpaalunngortuni inuusaq atorlugu suliniut ingerlateqqinneqarniarmat Siumumit iluarisimaaratsigu oqaatigissuarput.

Naartuersittartut amerlavallaartut siunnersuuteqartoq assigalugu Siumumit isumaqarpugut, aammali oqaatiginngitsoorusunnatigu killilersuineruut Siumumit naaggaaratta naartuersittarnissarlu pisinnaatitaaffiussasoq naqissuseratsigu.

Paasititsiniaanerit ukiorpassuarni ingerlapput. Taamaakkaluortoq ukiut kingullit 25-t kingumut qiviaraanni naartuersittarnerit ukiumut amerlassusaat assigiittorujussuusut takuneqarsinnaapput. Ilaa soormita?

Siumumit ilisimavarput nunaqqateqartugut meerartaarusullutik ilungersuuteqartut. Taakku sukumeeqqinnaartumik misissortissagunik (assersuutigalugu Danmarkimi) namminneerlutik akilertariaqarpaat. Aammami nunatsinniinnarluunniit.

Naartuersittarnerup peqqutai misissuinerup kingorna allannguisinnaanermut tikkuusseqataasinnaappata neriuutiginarpoq meerartaarusuttut annerusumik ikiorneqarnissaannut aningaasatigut ikorfartuinerusinnaaneq pilissasoq. Ilanngullugu kaammattuutigaarput ataatsimiititaliap ilanngullugu misissussagaa, meerartaarsinnaanngitsut aningaasatigut ikiorneqarnissamik noqqaassuteqarsimasut ukiumut agguaqatigiisillugu qassiusarnersut.

Taamatut oqaaseqarluta siunnersuuteqartoq taperserlugu ataatsimiititaliami susassaqtartumi aappassaanneerineqartigani suliarineqarnissaanut innersuussivugut.

Jess Svane, Siumut